



03/ BATZARRA / 2012

**BERASTEGIKO UDALAREN  
2012ko apirilaren 24ko EZHOIKO UDALBATZARREN AKTA**

*Berastegin, 2012ko apirilaren 24an, 21:00k izanik Udaletxeko Areto Nagusian bildu dira, Aritz Mujika Saizar jauna alkatearen presidentziarekin.*

*Alkateordea:  
Amaia Azkue Eizagirre Anderea.-*

*Zinegotziak:  
Estibaliz Saralegi Labaien Andrea  
Patxi Irisarri Aranalde Jauna  
Ane Urkizu Lasarte Andrea  
Mikel Beloki Urkizu Jauna  
Leire Garaiburu Arcelus Andrea  
Mirari Saizar Zinkunegi Andrea  
Maialen Etxeberria Masa Andrea*

*Bertan dago eta fede ematen du idazkari-kontuhartzaileak:  
Maria Pilar Garmendia Miguel Andrea.*

*Osoko Bilkura legez osatzeko behar adinako kopuruak parte hartzen duela egiaztatu ondoren, presidenteak, 21:00 ordu direnean, bilkura irekitzat ematen du eta gai-zerrendako puntuen azterketari ekiten da.-*

**LEHEN PUNTUA:**

**"TOLOSALDEA OSASUN PUBLIKOAREN ALDE" KOORDINAKUNDEAK AURKEZTUTAKO MOZIOA ONARTZEKO PROPOSAMENA,-**

"2011ko azaroa ezkerotik Eusko Jaurlaritzako Osasun eta Kontsumo Sailak TOLOSALDERAKO OSASUN ARRETA EREDU BERRIA inposatu digu herritarroi. Proiektu berri honetan, Izaskungo Ama Espezialitateetako Anbulatorio publikoa isteko erabakia hartzen da, espezialitate guztiak Asuncion Klinika pribatu-kontzertatuaren esku geratuko direlarik. Horren ondorioz osasun sistema publikoa kaltetua eta ahulduta geldituko da tolosan zein tolosaldean, Andoainen eta Legorretan.



Bestetik, Tolosa da sare publikoko eskualde Ospitale Publikoa ez duen Euskal Herriko eskualde bakarra, eta egitasmo honekin horrela jarraituko du.

Tolosaldeko eskualdeak indar eta pisu demografiko nahikoa du, herritarroi egokia izango zaigun kalitatezko zerbitzu bat eskainiko digun ESKUALDE OSPITALE PUBLIKOA izateko. Beste eskualdeetan bezalaxe.

Hori guztiagatik mozio hau aurkezten da Berastegiko udalaren Osoko Bilkuran, honako hau

ONAR DEZAN:

Mozio honen edukia hau izango da:

1. Asuncion Klinikaren publikazioa eskatzen dugu. Eskualdeak kudeaketa erabat publikoko Eskualdeko Ospitale Publiko aizan dezan.
2. Osasun zerbitzu honek, beste eskualdeetan eskaintzen denaren mailako kalitatea bermatzea eskatzen dugu.
3. Afera honek eragiten dien alde guztien artean (Osasun Saila, langileen ordezkariak, Gipuzkoako Foru Aldundia, eskualde horretako Udalak, plataformaren ordezkariak) alderdi anitzeko mahaia osatzea eskatzen dugu. Mahai honek definituko duen klinikaren publikazioa (epeak, zerbitzua hobetzeko eta garatzeko plana, langileen subrogazio zein erregulaziorako bidea).
4. Mahai honek publikazioa egiteko moduaren gaineko akordioa eskuratu beharko du lehenbailehen. Bien bitartean, Eusko Jaurlaritzak sinatutako konbenioaren ondorioz hartzen ari den neurri guztiak bertan behera utz ditzala eskatzen dugu: espezialitateen anbulatorioa hustea horren adibide.
5. Klinikaren egitura enpresarialak egindako balizko iruzurra keta legez-kanpokoak ikertzea."

---

*Presidentziak aurkeztutako mozioa bozkaturik, onartua gertatzen da.-*

**BIGARREN PUNTUA:**  
**HONDAKINEI BURUZKO MOZIOA ONARTZEKO PROPOSAMENA.-**

*Alkateak mozioaren irakurketari ekiten dio, izanaz bere letraz letrazko edukia:*

---

Udalon helburu nagusietako bat herritarren ongizatea zaintzea da, eta Berastegiko udala,



zerbitzu publikoa den aldetik, herritarron bizi kalitatea zaindu nahi du, zalantzarik gabe.

Hau honela, eta hiri hondakinei lotzen bagatzaizkio, Tolosaldeako Mankomunitatean urteak daramatzagu gure hiri hondakinak bildu eta Sasietako zabortegira jaurtitzen eta horren ondorioz, gure hondakinek eragiten dituzten kalteak gure bizilagunek pairatzen dituzte. Hori ez da inolaz ere zuzena. Ez da zuzena ere, birziklatzeko saioa guztiak baztertu eta gure hondakinak erraustera bidaltzeko asmoa, arazo bati arazo handiago batekin erantzutea arriskutsua izateaz gain antzua baita.

Berastegiarrok arazo bat dugu hondakinekin egiten dugun kudeaketan. Urteak daramatzagu edukiontzien sistemarekin birziklatzeko asmotan, baina urratsak eman baditugu ere, sistema ahitua dago. Gaur egungo gure birziklatze maila %30etik nekez igotzen da, %80 birziklagarria denean. Denok birziklatzen dugula esaten dugu baina datuak gordinak dira, hondakinen %70 baino gehiago zabortegietara botatzen ari gara. Ez dugu organiko gramo bakar bat ere biltzen modu berezitan. Eta errealitatea are gordinagoa da: gaur egun papera, beira, ontziak eta organikoa nahastuta botatzen ari gara, balio handia duten eta lehengai diren hondakinak zabor kutsatzaile bihurtzen ari gara eta hori onartezina da.

Arazoa dugu bai, baina konponbidea ere bai. Guk Gipuzkoa garbia nahi dugu, Berastegiko airea, mendiak eta errekek garbiak nahi ditugu. Horregatik, eta Berastegin gauzak ongi egiten dakizkigulako arazoari muintetik helduko diogu.

Berastegiarrok hondakinen murrizketari ekin behar diogu lehenik, aukera handiak ditugulako gure herrian sortzen dugun hondakin organikoa gure etxeetan eta gure herrian tratatzeko inora bidali gabe. Berrerabiltzearen eta birziklatzearen aldeko urratsak ere eraginkorrako egiteko erabakiak ere hartuko ditugu.

Berastegin gauzak ongi egiten badakizkigulako zero zabor politikarantz abiatuko gara, pausu txiki batekin emaitza ezin hobekoak lortuko ditugu.

Hau nola, udalbatzak zera onartzen du:

1. Berastegiko udalak ahalik eta hondakin gutxien sortzeko eta bilketa sarean ez sartzeko hondakin organikoa etxeko konpostaje edo konpostaje komunitario bidez kudeatuko du.
2. Berastegiko udalak Mankomunitatearekin batera adostuko du konpostaje kanpaina zabala egitea herriko familien artean.
3. Berastegiko udalak ahalik eta gehien birziklatze aldera, emaitza onenak lortzen dituen hiri hondakinen bilketaren alde egiteko konpromisoa hartzen du eta mankomunitatearekin batera bilketa efiziente eta bideragarria adosteko bidea egingo du, horretarako lantaldea osatuz.
4. Udalak etengabeko urratsak emango ditu Berastegiko zero zabor lurraldea bihurtzeko bidean.



5. Berastegiko udalak Tolosaldeko Mankomunitateari eskaera egiten dio, 2013 urterako, zaborraren tasak sortze-bidezko finantziazioaren baitan izan daitezen.

---

*Presidentziak aurkeztutako mozioa bozkaturik, onartua gertatzen da.-*

*Puntu honetan, lehendakaritzak bertaratukoei luzapena egiten die interesgarriak deritzoten azalpenak egin ditzaten.-*

*Egoera honetan, 21.30 ordu direnean, Presidentziak batzarra amaitutzat jotzen du, akta hau egiten delarik, nik, idazkari honek, diodanez gertaturiko guztiaren isla zehatza dena. Fede ematen dut.-*

*Berastegin, 2012ko apirilaren 24a.*

*Udaleko idazkari-kontuhartzailea,*